

Мемлекеттік ветеринариялық-санитариялық бақылау мен қадағалауды жүзеге асыру кезінде фото және бейнетүсірілімдер үшін техникалық құралдарды пайдалану қағидаларын бекіту туралы

Қазақстан Республикасы Ауыл шаруашылығы министрінің 2021 жылғы 14 сәуірдегі № 121 бұйрығы. Қазақстан Республикасының Әділет министрлігінде 2021 жылғы 20 сәуірде № 22567 болып тіркелді

"Ветеринария туралы" Қазақстан Республикасы Заңының 8-бабы 46-31) тармақшасына сәйкес БҰЙЫРАМЫН:

1. Қоса беріліп отырған Мемлекеттік ветеринариялық-санитариялық бақылау мен қадағалауды жүзеге асыру кезінде фото және бейнетүсірілімдер үшін техникалық құралдарды пайдалану қағидалары бекітілсін.

2. Қазақстан Республикасы Ауыл шаруашылығы министрлігінің Ветеринариялық, фитосанитариялық және тамақ қауіпсіздігі департаменті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық ресми жарияланғаннан кейін оның Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ауыл шаруашылығы вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының
Ауыл шаруашылығы министрі

С. Омаров

Қазақстан Республикасының
Ауыл шаруашылығы
министрінің
2021 жылғы 14 сәуірдегі
№ 121 бұйрығымен
бекітілген

Мемлекеттік ветеринариялық-санитариялық бақылау мен қадағалауды жүзеге асыру кезінде фото және бейнетүсірілімдер үшін техникалық құралдарды пайдалану қағидалары

1-тарау. Жалпы ережелер

1. Осы Мемлекеттік ветеринариялық-санитариялық бақылау мен қадағалауды жүзеге асыру кезінде фото және бейнетүсірілімдер үшін техникалық құралдарды

пайдалану қағидалары (бұдан әрі – Қағидалар) "Ветеринария туралы" Қазақстан Республикасы Заңының 8-бабы 46-31) тармақшасына сәйкес әзірленді және мемлекеттік ветеринариялық-санитариялық бақылау мен қадағалауды жүзеге асыру кезінде фото және бейнетүсірілімдер үшін техникалық құралдарды пайдалану тәртібін айқындайды.

2. Осы Қағидаларда мынадай негізгі ұғымдар пайдаланылады:

1) бейнетіркегіштің жад картасы (бұдан әрі – жад картасы) – ақпаратты сақтау үшін пайдаланылатын ажырамалы электронды есте сақтау құрылғысы;

2) ветеринариялық бақылау бекеті – шекара және кеден пункттері (Еуразиялық экономикалық одақтың кедендік шекарасымен тұспа-тұс келетін Қазақстан Республикасының Мемлекеттік шекарасы арқылы өткізу пункттері) аумағында, сондай-ақ автомобиль қатынасы шегінде Қазақстан Республикасының аумағында орналасқан Еуразиялық экономикалық одақтың кедендік шекарасы арқылы тауарларды өткізудің өзге де орындарында және уәкілетті орган айқындаған өзге де орындарда орналасқан, қажетті жабдықпен және аспаптармен жарақтандырылған, өткізілетін (тасымалданатын) объектілерге мемлекеттік ветеринариялық-санитариялық бақылау мен қадағалауды және (немесе) өткізілетін (тасымалданатын) объектілердің әкелінуі, транзиті туралы алдын ала ақпаратты қабылдауды жүзеге асыратын ветеринария саласындағы уәкілетті орган ведомствосының бөлімшесі;

3) мемлекеттік ветеринариялық-санитариялық инспектор – мемлекеттік ветеринариялық-санитариялық бақылау мен қадағалауды жүзеге асыратын ветеринария саласындағы уәкілетті орган ведомствосының немесе оның аумақтық бөлімшелерінің лауазымды адамы;

4) портативті алып жүретін бейнетіркегіш (бұдан әрі – бейнетіркегіш) – фото және бейнетіркеуді жүзеге асыруға арналған техникалық құрылғы.

3. Бейнетіркегіштер айналадағы жағдайды, сондай-ақ мемлекеттік ветеринариялық-санитариялық бақылауды және қадағалауды жүзеге асыру кезінде дәлелдеу базасын жинауды қамтамасыз ету мақсатында мемлекеттік ветеринариялық-санитариялық инспекторлардың іс-қимыл процесін фото және бейнетүсіруді жүзеге асыруға арналған.

4. Мемлекеттік ветеринариялық-санитариялық инспекторлар мемлекеттік ветеринариялық-санитариялық бақылауды және қадағалауды жүзеге асыру кезінде бейнетіркегіштермен қамтамасыз етіледі.

2-тарау. Бейнетіркегішті (жад картасын) беру, есепке алу және деректерін сақтау тәртібі

5. Ветеринария саласындағы уәкілетті орган ведомствосының аумақтық бөлімшесінің (бұдан әрі – аумақтық бөлімше) басшысы бейнетіркегішті (жад картасын) беруге және қабылдауға, фото және бейнежазбаларды жүктеуге және сақтауға, мемлекеттік ветеринариялық-санитариялық инспекторға бейнетіркегішті беру кезінде

бейнетіркегіште күні мен уақытын белгілеуге, фото және бейнежазбаларды жүктегеннен кейін жад карталарынан оларды жоюға, бейнетіркегішті жұмыс істемеген кезінде ауыстыруға, сондай-ақ жүргізілген фото және бейнежазбаларды қарауға және талдауға жауапты қызметкерді (бұдан әрі – жауапты адам) анықтайды.

6. Бейнетіркегішті қолдану арқылы алынған фото және бейнежазбаларды қорғау үшін жауапты адам деректерді сақтаудың сандық құрылғысына қол жеткізу паролін белгілейді.

Деректерді сақтаудың сандық құрылғысына қолжетімділік тек жауапты адам мен аумақтық бөлімшенің басшысына ғана беріледі. Бұл ретте, деректерді сақтаудың цифрлық құрылғысындағы деректерге өзгерістер енгізуге жол берілмейді.

7. Бейнетіркегішті (жад картасын) беру, қабылдау және фото және бейнежазбаларды жүктеу кезінде жұмыста есепке алу үшін әрбір бейнетіркегішке және жад картасына "Мемлекеттік мекемелерде бухгалтерлік есепті жүргізу қағидаларын бекіту туралы" Қазақстан Республикасы Қаржы министрінің 2010 жылғы 3 тамыздағы № 393 бұйрығына (Нормативтік құқықтық актілерді мемлекеттік тіркеу тізілімінде № 6443 болып тіркелген) сәйкес түгендеу нөмірі беріледі.

Мемлекеттік ветеринариялық-санитариялық инспекторларға түгендеу нөмірлері жоқ бейнетіркегіштер мен жад карталарын пайдалануға жол берілмейді.

8. Бейнетіркегіштер мен жад карталары аумақтық бөлімшелерде оларға басқа адамдардың қол жеткізуін болдырмай, жауапты адамда сақталады және осы Қағидаларға қосымшаға сәйкес нысан бойынша бейнетіркегішті (жад картасын) беруді, тапсыруды және фото және бейнежазбаларды түсіруді есепке алу журналында (бұдан әрі – есепке алу журналы) қызметтік міндеттерін атқаруды бастамас бұрын мемлекеттік ветеринариялық-санитариялық инспекторларға жеке қол қою арқылы беріледі. Есепке алу журналын жауапты тұлға жүргізеді және толтырады.

9. Жауапты адам жад картасын бейнетіркегішке орнатқаннан кейін жад картасының ұяшығын мөрмен бекітеді.

10. Есепке алу журналы аумақтық бөлімшенің кеңсесінде тіркеледі, парақтары нөмірленеді, тігіледі және мөрмен бекемделеді. Есепке алу журналының соңғы бетінде жауапты адам: "Осы журналда ____ парақ нөмірленді, тігілді және мөрмен бекемделді" деген жазба жазады. Есепке алу журналына жазу қаламсаппен жүргізіледі. Жіберілген қателер дұрыс емес жазбаны сызып тастау және жаңа жазбаны енгізу жолымен түзетіледі, бұл туралы "Ескертпе" бағанында түзетудің күні мен уақыты, жауапты адамның аты, әкесінің аты (бар болса), тегі, түзету себептері көрсетіле отырып, жауапты адамның қолы қойылып, "Түзетілді" деген ескертпе жасалады. Есепке алу журналының жазбаларын тазартуға жол берілмейді.

11. Фото және бейнежазбаларды мемлекеттік ветеринариялық-санитариялық инспектор ұсынған сәттен бастап 1 (бір) жұмыс күні ішінде жауапты адам деректерді сақтаудың цифрлық құрылғысына жүктеуді жүргізеді.

12. Деректерді сақтаудың цифрлық құрылғысында фото және бейнежазбаларды сақтау мерзімі деректерді сақтаудың цифрлық құрылғысына жүктелген сәттен бастап 1 (бір) жылды, әкімшілік құқық бұзушылықтар және тексеру іс-шаралары бойынша – 5 (бес) жылды құрайды.

13. Осы Қағидалардың 3-тармағында көрсетілген қызметтік мақсаттарда пайдалану үшін деректерді цифрлық сақтау құрылғысындағы фото және бейнежазбаларды жауапты адамның аумақтық бөлімшесі басшысының рұқсаты бойынша ғана мемлекеттік ветеринариялық-санитариялық инспекторларға беруіне жол беріледі.

3-тарау. Мемлекеттік ветеринариялық-санитариялық бақылауды және қадағалауды жүзеге асыру кезінде бейнетіркегішті пайдалану тәртібі

14. Бейнетіркегіш мемлекеттік ветеринариялық-санитариялық инспектордың іс-әрекетіне кедергі жасамайтындай, иық буынына жақын кеуде тұсына бекітіледі.

Бейнетіркегішті қолданар алдында мемлекеттік ветеринариялық-санитариялық инспектор оның жұмыс қабілеттілігін, бейнетіркегіштің аккумуляторы зарядының деңгейін, күні мен уақытының дұрыс орнатылуын, бейнетіркегіште фото және бейнетүсірілім сапасының оңтайлы бапталуын тексереді.

15. Мемлекеттік ветеринариялық-санитариялық инспектордың кеудесіне фото және бейнетүсірілімнің жүргізіліп жатқаны туралы хабарлайтын, мынадай жазуы бар: "Назар аударыңыз! Фото және бейнежазба жүргізілуде. Внимание! Ведется фото и видеозапись" бейдж бекітіледі.

Мемлекеттік ветеринариялық-санитариялық инспекторларға хабарлайтын бейджсіз бейнетіркегішті пайдалануға жол берілмейді.

16. Бейнетіркегішті қосу мемлекеттік ветеринариялық-санитариялық инспектордың қызметтік міндеттерін орындау басталған сәттен бастап жүргізіледі және осы Қағидалардың 19 және 20-тармақтарында көзделген жағдайларды қоспағанда, мемлекеттік ветеринариялық-санитариялық инспектордың қызметтік міндеттері аяқталғанға дейін үздіксіз жүргізіледі.

17. Фото және бейнетүсірілім жүргізу барысында мемлекеттік ветеринариялық-санитариялық инспекторлардың, сондай-ақ мемлекеттік ветеринариялық-санитариялық бақылау және қадағалау объектілері иелерінің (өкілдерінің) барлық іс-қимылдарын тіркеу, оның ішінде мемлекеттік ветеринариялық-санитариялық бақылаудағы және қадағалаудағы орны ауыстырылатын (тасымалданатын) объектілерді тексеру және жануарларды, жануарлардан алынатын өнімдер мен шикізатты ветеринариялық тексеру, мемлекеттік ветеринариялық-санитариялық бақылау және қадағалау объектілеріне тексеру жүргізу, тексеру нәтижелері туралы актілерді ресімдеу, әкімшілік құқық бұзушылық туралы

хаттамалардың, ветеринария саласында анықталған бұзушылықтарды жою туралы нұсқамалардың және мемлекеттік ветеринариялық-санитариялық бақылау және қадағалау актілерінің көшірмелері қоса беріледі.

18. Деректерді сақтаудың цифрлық құрылғысына жүктегенге дейін жад картасынан фото және бейнежазбаларды өз бетінше жоюға, мемлекеттік ветеринариялық-санитариялық бақылауды және қадағалауды жүзеге асыру кезінде бейнетіркегішті өз бетінше өшіруге және жад картасын алып қоюға, бейнетіркегіштің жұмысында іркіліске әкеп соғуы мүмкін бейнетіркегішке әсер етуді жүзеге асыруға, бейнетіркегіштің фото және бейнетүсірілімін тіркеуге және сақтауға кедергі келтіретін іс-әрекеттер жасауға жол берілмейді.

19. Мемлекеттік ветеринариялық-санитариялық инспектордың тамақтануына арналған үзіліс болған жағдайда, бұл туралы жауапты адамға хабарлай отырып және кейіннен есепке алу журналының "Ескертпе" бағанына тиісті жазбаны енгізе отырып, мемлекеттік ветеринариялық-санитариялық инспектордың бейнетіркегішті тоқтата тұру мен қайта бастаудың нақты уақытын дыбыстай отырып, фото және бейнетүсірілімді тоқтата тұруына және қайта бастауына жол беріледі.

20. Мемлекеттік ветеринариялық-санитариялық бақылауды және қадағалауды жүзеге асыру кезеңінде бейнетіркегіш (жад картасы) істен шыққан жағдайда, мемлекеттік ветеринариялық-санитариялық инспектор бұл туралы аумақтық бөлімшенің басшысын және жауапты адамды дереу хабардар етеді.

Ақаулардың себептерін жою мүмкін болмаған кезде жауапты адам бейнетіркегішті ауыстыруды жүзеге асырады.

Бұл ретте, жауапты адам есепке алу журналының "Ескертпе" бағанында бейнетіркегіштің істен шығу себептерін, хабарлаудың және бейнетіркегішті ауыстырудың күні мен уақытын көрсете отырып, тиісті жазбалар жүргізеді.

21. Бейнетіркегішті пайдалануды мемлекеттік ветеринариялық-санитариялық инспекторлар осы Қағидалардың 3-тармағында көрсетілген қызметтік мақсаттарда ғана жүзеге асырады.

22. Қызметтік міндеттерін атқару кезеңінде мемлекеттік ветеринариялық-санитариялық инспекторлар бейнетіркегіштің және жад картасының сақталуын қамтамасыз етеді, жұмыс күні аяқталғаннан кейін оларды жауапты адамға тапсырады.

Мемлекеттік ветеринариялық-санитариялық инспектор бейнетіркегішке ұқыпты қарайды, оны жоғалтуына, бүлдіруіне, оны басқа адамдарға беруіне жол бермейді.

Мемлекеттік ветеринариялық-санитариялық
бақылау мен
қадағалауды жүзеге асыру
кезінде фото және
бейнетүсірілімдер үшін

Бейнегіркегішті (жад картасын) беруді, өткізуді және фото және бейнежазбаларды түсіруді
есепке алу журналы _____
_____ (ветеринария саласындағы уәкілетті орган ведомствосы аумақтық
бөлімшесінің атауы)

20 __ жылғы " __ " _____ басталды 20 __ жылғы " __ " _____ аяқталды

Мұқабаның ішкі жағы

Р/ с №	Бейнегіркегіштің (жад картасының) түгендеу нөмірі	Мемлекеттік ветеринариялық-санитариялық инспектордың аты, әкесінің аты (бар болса), тегі	Алған күні мен уақыты, қолы	Тапсырған күні мен уақыты, қолы	Ақпаратты жүктеп алған күні мен уақыты	Жауапты адамның аты, әкесінің аты (бар болса), тегі және қолы	Ескертпе
1	2	3	4	5	6	7	8